



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 2. Societas reperti ad Vrvaicam auri falsò accusatur.

**urn:nbn:de:hbz:466:1-38528**

HISTORIÆ  
PROVINCIAE PARAQUARIÆ  
SOCIETATIS JESU  
LIBER DECIMUS-QUARTUS.

CAPUT  
I.  
De consecratione Episcopi Paraquariensis controvertitur.

1644.

Cordubensis  
Academia  
censet non  
consecrandi  
sine litteris  
apostolicis.

Inde orta in  
Societatem  
Præsulis offi-  
ficio.

CAPUT  
II.  
Societas re-  
perti ad  
Urvaicam  
auri falso  
accusatatur.

Calumnias  
author.



NTER has res annus millesimus sexcentesimus quadragesimus-quartus vertebarunt, controversia de consecratione Illustrissimi Domini Bernardini de Cardenas Episcopi Paraquariensis memorabilis: cui in Peruvia fervanti Philippi Quarti Regis Catholicorum litteræ dudum allaræ fuerant, quibus ad Paraquariensis Ecclesiæ Insulam, si accederent diplomata Summi Pontificis, evehendus nunciabatur. Grata fuerat electo Præsuli ea honoris exhibitio: angebat tamen hominem dilatio factorum diplomatum, quibus Summus Pontifex Regis voluntatem ratam habere solet, & extra ordinem concedere, ob Insularum in Indiis raritatem, ut electus præter morem ab uno tantum Episcopo consecretur. Moræ ergo impatiens, consiliorum suorum vires in id intenderat, utrum scilicet jure aliquo sibi liceret prævertere communem ordinem, & in tanto locorum intervallo Summi Pontificis mentem interpretari. Qua de re ab eo rogata sententiam, Academia nostra Cordubensis apud Tucumanos docto prudentiisque scripto responderat, id neutquam ex sapientum virorum placitis, aut factorum Conciliorum Pontificumque decretis, aut Catholicorum usu licere. Sed curris ostentati honoris non audiit prudentis consilii habendas. Non exspectatis itaque Summi Pontificis litteris, ab uno tantum Episcopo in Episcopum consecratus, ad Paraquariæ Ecclesiam se contulit, deditque locum ferventissimæ controversiæ, quæ ex partium alli ignem expromens, per diversa loca scintillas sparsit utrique orbi spectabiles, & alteri calamo in multis annos calamitosæ historiæ materiam præbituras: nam ego, ne veritatem inquinem aut offendam, creperi negotii primordia & vexationum radices attingere satis habui; ab earum rerum narratione abstinere certus, quæ ex his radicibus ortæ per subsequentia tempora sese pernicianter diffuderunt. Quamquam non subterfugiam præcipuas calumnias in medium adducere, quæ hæc occasione ortæ, temporis decursu ad liquidum tandem deductæ sunt: conducibile enim est universas simul, & sicut inter se cohærent, non observatis temporibus conjungi, ut uno quasi intuitu perspectæ eam omnium animis impriment opinionem, quam mèrentur. Postquam ergo le prodidit novi Præsulis officio, Societas osores, repertâ opportunitate, antiquatas calumnias renovare, & novas non abuenti obtrudere cœperunt; quarum palmaris fuit auri Urvaicensis fabula, jam dudum explosa, & rufsum eâ tempestate per utrumque Orbem disseminata. Verum ut suo cuique authori & figulo sua figura attribuam, opera pretium est fabulæ rotam revolvere, & ad terminum unde prodiit retroagere.

MULTIS retrò abhinc annis infimæ sortis homo Bonaventura Indus in portu Boni-aëris partim arbitrio suo, partim in religioso conventu diu inter domestica servitia educatus, ex animi inconstancia ad palabundos Ethnicos, & post varios casus ad Japeivensem Urvaicæ Neophytorum nostrorum coloniam se contulit, unde simulatæ prius aliquandiu pietate, alterius conjugem ad libidinem raptam abduxit. Sed è fuga retractus ad flagra, ne Neophytes exemplo corrumperet, ad portum Boni-aëris postliminiò remissus est, ubi, nescio quo instigatore, tam

bellè

bellè peritèque de auro ab Societate Iesu in Urvaica invento fabulam exornavit, ut etiam cordatis hominibus imponuerit. Narrabat enim constantissimè, se eruendo auro diu multumque ad Urvaicam infudasse, tantamque vim coacervari, ut semimodius triduano tantum labore auri probati minaturalibus impleri soleret. Addebat sibi, tam dulci re iustato, venisse semel in mentein, ut magnum auri pondus abs se repertum clam ad præcognitam fugam & privata commoda seponeret. Verum talia meditantem ab conteo sodali apud Societatis Patres intentati furti insulatum, flagris & exilio facinoris suspicionem se laesse. Cum hæc palam affirmaret, situm & qualitates aurifodinatum ram scire describebat, compositaque mentiebatur, ut audientium animis plusquam veræ rei similitudinem imprimiceret: & jam plus æquo credebatur impostori, serpebatque latius pro vero figmentum: afferentibus præsertim nonnullis religiosis hominibus id neutiquam in dubiis reponi debere. Cum Societati visum est sui purgandi viam quærere, itam dissimulate & tacitè habere, id Neophytorum saluti, & suo decori perniciosum, existimabat. Legitimè ergo apud Judices conquesta, evicit, ut res diligenter exploraretur. Nec defuere magistratus suis partibus: & tandem te diu multumque examinata, nobilissimus vir Stephanus Avila, fluminis Argentei pro Rege Prætor, publicè pronunciauit, & ad Senatum Regium Madritum scriptis, famam quoæ de Urvaicensi auro circumferebatur, ab otiosis hominibus, & in Societatem offensis, sicutam propalatamque fuisse, proinde nullam fidem ei adhibendam. Sic figmentum authitate publicâ aliquamdiu evanuit.

**D**ONEC interjecto tempore impostor idem aureum mendacium iterum videret, & resarciret malè textam suæ fabulæ telam. Europæis advenis, auri plerunque avidis, ingerebat hanc auream offam: & ausus etiam est Hyacintho de Laris, Sancti Jacobi generoso Equiti, fluminis Argentei novo Prætori, eandem escam obtrudere. Crede, inquietabar, d' Prætor, oculato testi, hisce oculis vidi aurifodinas, & duas arcas, quas in aurifodinatum præsidium Patres de Societate ad Urvaicam construxerunt, multo milite armisque instrutas. Novus Prætor, quamvis non omnino assentiretur impostori, cupiebat tamen vera esse, quoæ de auro narrabat; nec apud se satis constituebat, utrum hæc res plus veritatis, quam figmenti haberet. In hoc inquietæ mentis æstu posito litteræ multæ ex Paraquaria adseruntur, quibus Pataquaria Episcopus affirmabat certis indicis compertum, aurifodinas ad Urvaicam esse. Enimvero exiliit gaudio impostor, videns adeò splendidè per illustrissimum Præsulem exornati mendacium suum: & res à Prætore Hyacintho de Laris inter credibiles habita est: qui in auri spem jam dudum versus, quam celerimè poteat ad id negotium se expedit. Quadraginta igitur militibus stipatus, assumpto in aureas, si Superis placet, fortunæ consortium viro nobili Martino Vera, aurifodinæ in Peruvia Domino, necnon metallorum tentatore peritissimo, & Bonaventura auri indice se sequi jussò, adverso Paranâ flumine (quod felix faustumque novo Jalon) iter ducentarum leucarum arripit. Bonaventura cause sue diffidens in itinere evanuit. Ob eam fugam Prætor spe diminutus, perrexit tamen, & in oppida ab Societate constructa magnificè inductus, dissimulatæ adventus sui causâ, nihil per quatuor quos secum ducebatur interpres ab Indis clam inquirebat diligenter, quam ubi aurum fabricaretur. Quâ cognitâ, Franciscus Diastanus, Sociorum Paranensium Urvaicensiumque præfector, supplicem libellum ex juris norma obtulit, quo postulabat, ne secretò tantum, sed publicè, de aurifodinis inquireret, & scriptis ad Episcopum, & Prætorem Paraquariensem litteris, per citatum tabellarium diem legitimè diceret, auri Urvaicensis, si qui essent, indicibus, aut palindram cancerent: ère enim Societatis fore, si semel ad liquidum reduceretur calumnia, & criminis suspicione tanti testis autoritate liberaretur. Prætor laudato consilio, utrumque non illibenter præstitit; & interim dum responsum præstolatur, è Parana ad Urvaicam se conferens mandat militibus, ut nullum lapidem non moveant ad eruendum è latebris aurum: qui primus invenisset cohorti militum præficendum, & veste splendidâ, necnon ducentis Philippis, abs se donandum spondet. Non

defuere

Calumnia  
legitimè ex-  
pungitur.

## CAPUT

III.  
Iterum ite-  
rumque in-  
quiritur in  
aurum Ur-  
vaicense.

Hyacinthus  
de Laris in  
spem venit  
auri reperi-  
endi.

Crescit spes  
novus indi-  
cie.

Calumnia  
auctor fil-  
git.

Sedulio in au-  
rum indaga-  
tur.